



**PRAVILNIK O POLAGANJU PRIJEMNOG ISPITA GIMNAZIJE
UNIVERZITETA SARAJEVO SCHOOL OF SCIENCE AND TECHNOLOGY
(GIMNAZIJA SSST)**

Sarajevo, maj 2022. godine

Na osnovu člana 72. i 73. Zakona o srednjem obrazovanju („Službene novine Kantona Sarajevo“ 23/17, 30/19 I 33/21), člana 20. Pravila Gimnazije Univerziteta Sarajevo School of Science and Tehnology (Gimnazija SSST) i Odluke o kriterijima za prijem učenika u prvi razred srednjih škola Kantona Sarajevo koju je donijela Vlada Kantona Sarajevo, broj: 02-04-19354-4/22 Nastavničko vijeće Gimnazije SSST na sjednici održanoj, 26. 5. 2022. godine donosi

**PRAVILNIK O POLAGANJU PRIJEMNOG ISPITA
ZA UPIS UČENIKA U PRVI RAZRED
GIMNAZIJE SSST**

Član 1.

Ovim Pravilnikom o polaganju prijemnog ispita za upis učenika u prvi razred Gimnazija SSST utvrđuje kriterije, program polaganja i bodovanje prijemnog ispita za učenike koji apliciraju za upis u prvi razred Gimnazije SSST.

Član 2.

Pravo upisa u prvi razred Gimnazije SSST ostvaruje kandidat koji je:

- završio osnovnu školu ;
- nije stariji od 18 godina, odnosno koji do kraja tekuće godine ne navršava 18 godina života;
- položio prijemni ispit Gimnazije SSST;
- ostvario minimalno 71 bod prema članu 8. Odluke o kriterijima za prijem učenika u prvi razred srednjih škola Kantona Sarajevo i
- ostvario minimalno 7 bodova na prijemnom ispitu Gimnazije SSST.

Član 3.

Kandidat koji aplicira za upis u prvi razred Gimnazije SSSST polaže prijemni ispit iz engleskog jezika. Prijemni ispit sastoji se iz dva dijela: pisanog dijela i usmenog intervjua. Svi kandidati polažu oba segmenta prijemnog ispita koji se pojedinačno boduju.

U slučaju da kandidat bude ocijenjen negativnom ocjenom iz bilo kojeg dijela prijemnog ispita, smatra se da nije položio prijemni ispit.

Član 4.

Mjesto i vrijeme održavanja prijemnog ispita objavljuju se na oglasnoj tabli i web stranici Gimnazije SSST.

Rezultati prijemnog ispita unose se putem Informacionog sistema EMIS najkasnije dva dana prije završetka online upisa učenika kod Ministarstva za odgoj i obrazovanje Kantona Sarajevo.

Za unos podataka u Emis program odgovorna je EMIS imenovana osoba.

Član 5.

Program polaganja prijemnog ispita, način ocjenjivanja i kriteriji vrednovanja rezultata utvrđuje Nastavničko vijeće Gimnazije SSST i isti dostavlja Ministarstvu za odgoj i obrazovanje Kantona Sarajevo najkasnije sedam dana prije testiranja.

Gimnazija SSST je u obavezi da Program i kriterije za polaganje prijemnog ispita objavi na svojoj oglasnoj ploči i web stranici, najkasnije sedam dana prije objave datuma održavanja prijemnog ispita.

Program i kriteriji za polaganje prijemnog ispita za upis u prvi razred Gimnazije SSST objavljuje Ministarstva za odgoj i obrazovanje Kantona Sarajevo na svojoj web stranici.

Član 6.

Prijemni ispit boduje se na način da učenik treba ostvariti 50% bodova od ukupnog broja bodova na svakom dijelu prijemnog ispita da bi položio prijemni ispit.

Maksimalan broj bodova koje učenik može ostvariti na prijemnom ispitu iz pismenog i usmenog dijela ispita jeste 14.

Usmeni dio ispita nosi maksimalno 8 bodova

Pismeni dio ispita nosi maksimalno 6 bodova.

Da bi kandidat položio usmeni dio ispita potrebno je da ima minimalno 4 boda prijemnog ispita i 3 boda iz pismenog dijela prijemnog ispita.

Član 7.

Polaganje prijemnog ispita odvija se u prostorijama Gimnazije SSST ili po potrebi online u zavisnosti od specifičnih uvjeta.

Prijemni ispit se polaže pred stručnom komisijom koju imenuje Nastavničko vijeće početkom školske godine. Mandat komisije važi za tekuću školsku godinu.

Komisija za polaganje prijemnog ispita sastoji se od tri člana u sastavu:

1. Enisa Ćehajić, školski pedagog – predsjednica komisije
2. Adna Pandžo, nastavnica engleskog jezika – stručni član
3. Maja Misira Rašić, školski psiholog – član

Broj rokova prijemnih ispita za upis učenika u prvi razred utvrđuje direktor Gimnazije.

Član 8.

Ovaj Pravilnik o polaganja prijemnog ispita za upis učenika u prvi razred Gimnazije SSST stupa na snagu danom usvajanja na sjednici Nastavničkog vijeća.

Broj: 01-3-950/22

Datum: 26. 5. 2022. godine

Direktor

Senad Alić, MA